



08054

西漢年紀三十卷

全華叢書



西漢年紀三十卷

西漢年紀序

西漢年紀者行甫先生著也先生名益之
官宋大理寺司直其生平著述有漢官
總錄職原若干卷於兩漢掌故最為精
熟惜其書散佚無存是編三十卷載入
永樂大典中坊間無單行本自乾隆朝

西漢年紀序

一

退補齋
藏板

武英殿有聚珍版始印行之而世亦罕
見其書友人徐小雲比部自都中購得
郵寄來鄂余為校勘而重鈔之因讀而
有感曰史莫古於春秋為萬世不刊之
典自太史公作史記班氏作西漢書人
各為傳一變春秋之例非復編年本旨

矣其後荀氏欲復編年之體與班馬異而司馬公作通鑑復從而正之然其刪繁就簡遺漏滋多獨先生於年月之訛誤也則取楚漢春秋而考訂之於紀載之異同也則採說苑新書而詳辨之地名之歧出也則考地理圖志而折衷之本

西漢年紀序

二

退補齋
藏板

本源源各有根據而一代升降之際人事得失之林靡不參諸鑑論得是非予奪之公絕無一毫私心於其間豈非夫子作春秋之志者哉是書出而補荀氏溫公所未逮後之作史者可以法矣梓既成聊綴數言於簡首同治十二年癸酉夏四月

永康後學胡鳳丹謹序



西漢紀年序

三

退補齋
藏板

永康後學胡鳳丹謹序



原序

王仲淹曰史之失自遷固始或問荀悅曰史乎史乎
余三復斯言未嘗不廢卷而歎也蓋自黍離降而爲
國風國異政家殊俗天下不復有周矣詩亡然後春
秋作夫子冠王於正以示一統所以立萬世君臣之
大法也遷固易編年以爲紀傳事之大較雖繫于紀
而人臣之議論功勛自見於傳殊不知孔子當列國
紛紜之際首王綱以明大義遷固于大漢一統之時
顧使人自爲傳臣自爲功毋乃非春秋之旨歟下是

原序

一

退補齋
藏板

述作滋多轉相師用卒未有能復編年之體者獨荀
氏有見於古史廢墜之餘此仲淹所以旣咎遷固之
失而且幸荀氏之可考也余幼喜誦遷固史已復感
于仲淹之論取荀紀一再讀之愛其有功于古史猶
憾經始之初閒多舛逆司馬公通鑑從而正之先後
次第爛然有別固已整齊于荀氏矣獨其刊落盈辭
求爲省約以便人主之觀覽而當時論議所及制度
所關不無遺者竊不自揆取遷固史與其軼見于他
說者以荀紀通鑑凡例裁之其閒月日明具則載于

月日之下有年無月則總于是歲之末歲月俱闕則約其事之先後而志焉起于高祖終于王莽之誅凡二百二十九年爲西漢年紀三十卷史傳互載不無抵牾因爲訂正爲考異十卷諸儒之議多所發明因爲詮次爲鑑論若干卷考諸年紀一代之升降著矣求諸考異一時之去取見矣參諸鑑論當時之事情得矣雖纂緝之際失不自保然先漢之事大略具焉或病余曰紀傳之作尙矣子顧欲廢之可乎荅曰不然紀傳存一人之始末論人物者有考焉編年著一代之升降觀治亂者有紀焉以一人之始末視一代之升降重輕何如也荀氏之作溫公之述仲淹之論夫子之志也因序其所以作者以俟同志焉

原序

二

退補齋藏板

西漢年紀卷之一

宋王益之撰

郡後學胡鳳丹月樵校梓

高祖

高祖劉氏諱邦字季沛豐邑中陽里人也亡避吏與

樊噲俱隱於芒碭山澤間此語見呂后常知其處云

季所在上常有赤色雲氣占氣者曰東南有天子氣

秦始皇乃東遊以厭之史記漢書高祖紀荀紀考

嘗曰東南有天子氣于是因東遊以厭之高祖即自

疑亡匿隱于芒碭山澤巖石之間恐非事實班氏削

去即自疑三字而荀悅漢紀獨書曰高祖亡避吏于

山澤中蓋得之矣東遊事紀于其後亦是今從之

卷一

西漢年紀 高祖

一

退補齋藏板

案秦二世元年至三年楚漢起元年冬十月沛公先

諸侯至霸上使人約降子嬰子嬰素車白馬係頸以

組封皇帝璽符節降軹道旁諸將或言誅秦王沛公

曰始懷王遣我固以能寬容且已服降殺之不祥乃

以屬吏遂西入咸陽高紀先是秦昭王時荀卿入秦昭

王從之問儒術荀卿以孔子之語及諸國事七十二

子之言凡百餘篇與之由是秦悉有焉始皇之世李

斯焚書而孔子家語與諸子同列故不見滅沛公克

秦悉歛得之皆載于尺二寸簡多有古文字家語序按高

紀沛公入咸陽蕭何盡收秦丞相府圖籍文書得孔子家語疑因此附入今本不書蕭何事似屬脫落

沛公入秦宮室意欲畱居之樊噲諫曰今臣從入秦

宮所觀宮室帷帳珠玉重寶鐘鼓之飾奇物不可勝

數入其後宮美人婦女以千數此皆秦所以亡天下也

願沛公急還霸上無畱宮中史記張良傳徐廣註沛公不聽張

良曰願沛公聽噲言沛公乃封秦重寶財物府庫此語

見紀還軍霸上張良世家項羽將諸侯兵四十餘萬行略地

西至河南史記表陽武陳平往歸之平少時家貧好讀

書治黃帝老子之術里中社平為宰分肉甚均里父

卷一 西漢年紀 高祖 二 退補齋藏板

老曰善陳孺子之為宰平曰嗟乎使平得宰天下亦

如是肉矣往事魏王咎為太僕說魏王不聽人或讒

之平亡去至是歸羽平傳十二月項羽至關有守兵關

不得入聞沛公已定咸陽大怒饗士卒為擊破沛公

軍楚左尹項伯者羽季父也素善張良乃夜馳之沛

公軍具告以事欲呼良與俱去良乃入告沛公沛公

大驚曰君安與項伯有故良曰秦時與臣遊項伯殺

人臣活之今事有急故幸來告良沛公曰君為我呼

入吾得兄事之良出與項伯同入見沛公沛公奉卮

酒爲壽約爲婚媼曰吾入關秋毫不敢有所近所以遣將守關者備他盜之出入與非常也日夜望將軍

至豈敢反乎願伯具言臣之不敢倍德也按原本于爲擊破沛

公軍句即接沛公語所以遣將守關者云云文義不相屬疑有脫文今據史記補入項伯許諾

謂沛公曰旦日不可不自早來謝沛公諾於是項伯

復夜去至軍具以沛公言告項羽考異曰史記羽紀作報項王以下皆

爾按是時羽未稱王也當是史臣追書非事實通鑑悉稱項羽或曰將軍今從之因言曰沛

公不先破關中公豈敢入乎今人有大功而擊之不

義也不如因善遇之羽許諾沛公旦日至鴻門謝曰

卷一

西漢年紀 高祖

三

退補齋藏板

臣與將軍勦力而攻秦然不自意先入關破秦得復

見將軍于此羽因留公與飲范增數目羽舉所佩玉

玦示之者三項羽默然不應按此下史記尚有范增出召項莊入爲壽之文

此本不錄疑有脫漏項莊拔劍起舞項伯亦拔劍起舞常以身

翼蔽沛公莊不得擊須臾沛公起如廁因招樊噲出

按史記尚有張良出名樊噲一節此處文義未明疑有脫漏於是遂去乃令張良

留謝曰沛公不勝杯杓不能辭謹使臣良奉白璧一

雙再拜獻將軍足下玉斗一雙再拜奉亞父足下考

曰史記羽紀作大將軍足下通鑑易以亞父今從之亞父愛玉斗置之地拔劍

撞而破之曰唉吾屬今爲之虜矣居數日項羽引兵

西屠咸陽殺秦降王子嬰羽紀及秦諸公子宗族史紀秦紀

燒秦宮室火三月不滅收其貨寶婦女而東考異曰史記秦紀云虜其子女收其珍寶貨財

或說音項羽曰關中諸侯共封之與羽紀不同當考稅

阻山帶河四塞之地肥饒可都以霸項羽見秦宮室

皆以燒殘破又心懷思欲東歸曰富貴不歸故鄉如

衣繡夜行誰知之者說者曰人言楚人沐猴而冠耳

果然項羽聞之烹說者羽紀雄法言考異曰楚漢春秋揚

以爲韓生未知孰是唯史成安君陳餘客多說項羽

記以爲說者今從史記

曰陳餘張耳一體有功於趙羽以餘不從入關聞其

在南皮卽以南皮旁三縣封之史記列傳考異曰

印去不從入關亦不封客多說項王曰張耳陳餘一

體有功於趙今耳爲王餘不可以不封羽不得已聞

其在南皮因環封之三縣此與史記南粵尉趙佗擊

漢書所載微不同今從二史列傳

并桂林象郡自立爲南粵武王南粵王傳項王出之國使

人趣義帝行其羣臣稍稍背叛之叔孫通留事項王

項王陰令九江王衡山王臨江王弒義帝羽紀通時

彭越在鉅野馭萬餘人無所屬榮與越將軍印令反

梁地羽紀彭越傳按史記時田榮殺田布自立爲齊

卷一 西漢年紀 高祖 四 退補齋藏板

疑有脫漏漢王至南鄭按史記時諸侯罷戲下各歸國故

文諸將及士卒多道亡歸士卒皆歌思東歸韓王孽

孫信說漢王曰項王王諸將近地而王獨遠居是遷

也軍吏士卒皆山東之人也日夜跋而望歸及其鋒

而用之可以有大功人皆自寧不可復用不如決策

東鄉爭權天下史記高紀考異曰漢書帝紀以為

韓王信說漢王語合兼史記帝紀亦不載登壇拜將

事徐廣以為韓王信是也今從之按楚漢春秋韓

王本名信都劉氏史通及小顏功臣表俱引之信通

作申與韓信之信有別司馬遷削去都字班椽因誤

讀去聲混作淮陰侯名而附初淮陰人韓信為布衣

入拜將一節考異所辯甚當西漢年紀高祖五退補齋藏板

時貧無行不得推擇為吏又不能治生寄食漂母後

數與蕭何語按史記韓信初從項梁數以策干羽不

及其歸漢本用乃歸漢此本但言數與蕭何語而不

末疑有脫漏何奇之數言王必欲爭天下非信無可

與計事是於是王欲召信拜之何曰王素嫚無禮今

拜大將如呼小兒耳此乃信所以去也王必欲拜之

擇良日齋戒設壇場具禮乃可耳王許之諸將皆喜

人人各自以為得大將至拜乃韓信也一軍皆驚信

拜禮畢上坐王曰丞相數言將軍將軍何以教寡人

計策信謝因問王曰今東鄉爭權天下豈非項王邪

王曰然信曰大王自料勇悍仁強孰與項王漢王默然良久曰弗如也信再拜賀曰唯信亦以爲大王不如也然臣嘗事項王項王喑啞叱咤千人皆廢然不能任屬賢將此匹夫之勇也見人恭敬言語姁姁至人有功當封爵忍不能予此婦人之仁也雖霸天下不居關中而都彭城又背義帝約而以親愛王諸侯不平所過殘滅百姓不附今大王誠能反其道任天下武勇何不誅以天下城邑封功臣何不服以義兵從思東歸之士何不散且三秦王爲秦將將秦子弟

卷一

西漢年紀 高祖

六

退補齋藏板

數歲所殺亡不可勝計又欺其眾降諸侯及項王阮秦卒唯獨邯欣驕脫秦父兄怨之痛入骨髓今楚彊以威王此三人秦民莫愛也大王入關秋毫無所害除秦苛法於諸侯之約又當王關中王失職之蜀民亡不恨者今王舉而東三秦可傳檄而定也於是漢王大喜自以爲得信晚遂聽信計部署諸將所擊信漢王留蕭何收巴蜀租填撫諭告使給軍食

何世傳

月史記高祖紀漢王引兵從故道還襲雍王章邯

考異曰漢書本

紀作五月按四月諸侯方各罷兵就國不應五月便出史記高祖紀月表皆作八月爲是今從史記

荼之國因逐韓廣之寇東廣弗聽荼擊殺廣無終并

王其地項羽紀月表 考異曰史記項羽紀載於四月今從月表及漢本紀載於八月漢王

許立韓王孽孫信為韓王先拜為韓太尉將兵略韓

地信傳項羽聞漢王已并關中且東齊趙叛之大怒乃

以故吳令鄭昌為韓王以距漢令蕭公角等擊彭越

彭越敗蕭公角等張良為漢徇韓乃遣項王書曰漢

王失職欲得關中如約即止不敢復東又以齊梁反

書遺項王曰齊欲與趙并滅楚楚以故無西意而北

擊齊徵兵九江王布布稱疾不往使將將數千人行

卷一

西漢年紀 高祖

七

退補齋藏板

項羽由此怨布羽紀王陵始為縣豪漢王微時兄事陵

漢王起沛陵亦聚黨數千人居南陽不肯從至是始

以兵屬漢項羽取陵母置軍中陵使至則東鄉坐陵

母欲以招陵陵母私送使者泣曰願為老妾語陵善

事漢王漢王長者終得天下考異曰終得天下四字考史記漢書荀紀皆無

今以通鑑增入母以老妾故持二心妾以死送使遂伏劍而

死項王怒烹陵母陵世家

二年冬十月九江王布使將擊義帝追殺之郴縣史記

布陳餘悉三縣兵與齊兵共襲常山王張耳耳敗走

傳

念諸侯無可歸者曰漢王與我舊故而項王疆又立我我欲之楚甘公曰漢入秦可謂能義矣兩語仍楚荀紀

雖疆後必屬漢耳乃走漢漢方圍章邯廢邱耳謁漢

王漢王厚遇之餘已敗耳皆復收趙地迎趙王歇于

代趙王德餘立以為代王餘為趙王弱國初定留傳

趙王而使夏說以相國守代張耳陳餘傳十一月漢王乃立

信為韓王常將韓兵從本紀韓王信傳韓王還歸都櫟陽使諸

將略地拔隴西以萬人若一郡降者封萬戶繕治河上

塞晁錯傳秦北攻胡集河上塞故秦苑囿園池令民得田之本紀二

卷一

西漢年紀 高祖

八

退補齋藏板

月蕭何守關中荀紀考異曰按何世家云漢王與諸侯擊楚蕭何守關中侍太子治櫟

陽為法令約束立宗廟社稷宮室縣邑通鑑書載于八月正以四月敗于彭城道逢孝惠載之六月立為

太子太子以前也然以史考之漢王敗于彭城回至榮立太子之前也然以史考之漢王敗于彭城回至榮

陽蕭何發關中老弱未傅悉請軍使何不守關中不應可調其老弱也然漢王將東擊楚又不應關中不

人居守史記云漢王與諸侯擊楚蕭何守關中此正彭城之役故荀紀載于二月奮之矣于長所記蓋

總記一載之事今守關中則從荀紀自侍太子以下則載于立太子之後庶不抵梧按荀悅漢紀蕭何

守關中在三月漢王南渡平陰津為義帝發喪祖而春正月

大悲哀臨力禁反三日發使告諸侯悉發關中兵收三

河土願從諸侯王擊楚之殺義帝者漢紀夏四月項王

雖聞漢東既已連齊兵欲遂破之而後擊漢漢王以

故得部五諸侯兵凡五十六萬人東伐楚考異曰五諸侯顏注

以為常山河南韓魏殷也按常山張耳兵敗奉頭鼠竄以歸漢安得有兵是時陳餘遣兵助漢兼趙為五

耳韓信傳云二年出關收魏河南韓殷王皆降合齊趙共擊楚然楚方擊齊于城陽齊安得助漢入彭城

意齊字後人妄加耳又漢書作劫五諸侯兵今從史記作部字按韓王當是韓信師古注以為鄭昌誤

叔孫通以儒生弟子百餘人降漢通儒服漢王憎之

乃變其服短衣楚制叔孫通傳時薛人丁固楚漢春秋云丁公名固

為楚將逐窘漢王短兵接漢王急顧丁固曰兩賢豈

相厄哉于是丁固引兵而還漢王遂解去季布項羽

卷一 西漢年紀 高祖 九 退補齋藏板

釋齊而歸擊漢于彭城以故田橫復得收齊城邑立

田榮子廣為齊王而橫相之專國政無巨細皆斷

于橫田儻傳按史記時楚與漢戰于彭城大破漢軍漢王間行收軍五月至滎陽兵復振此本俱

有脫漏疑五月漢王以曹參為假左丞相入屯兵關中

參傳魏王豹謁歸視親疾至國即絕河津反為于偽楚

紀高帝六月漢王還櫟陽壬午立太子赦罪人令諸侯

子在關中者皆集櫟陽為衛高紀按前一月蕭何守關中節考異云自侍

太子以下載于立太子之後知此上當有蕭雍州定

何侍太子治櫟陽事今本不載似屬脫落考異云漢書本紀

置中地北地隴西郡高紀通鑑考異云漢書本紀云雍州定八十餘縣置河上渭

南中地隴西上郡按塞王欣翟王翳降置河上渭南上郡已見于欣翳初降時不當重出今從通鑑漢

王問故秦時上帝祠何帝也對曰四帝有白青黃赤

帝之祠漢王曰吾聞天有五帝而四何也莫知其說

于是漢王曰吾知之矣乃待我而具五也乃立黑帝

祠名曰北時有司進祠上不親往悉召故秦祠官復

置太祝太宰如其故儀禮因縣令為公社下令曰吾

甚重祀而敬祭今上帝之祭及山川諸神當祠者各

以其時禮祠之如故郊祀志匈奴冒頓既滅東胡歸又

西擊走月氏南并樓煩白羊河南王悉復收秦蒙恬

所奪匈奴故地與漢關故河南塞至朝那膚使遂侵

燕代是時漢兵與項羽相距中國罷音疲于兵革以故

冒頓得自彊控弦之士三十餘萬匈奴傳是歲以盧綰

為太尉史記大事紀

三年冬漢王與羽相距京索間數使使勞來到苦丞

相何鮑生謂何曰今王暴衣露蓋數勞苦君者有疑

君心為君計莫若遣君子孫昆弟能勝軍者悉詣軍

所王益信君于是何從其計漢王大悅何傳楚龍且擊

破九江王布軍布欲引兵走漢恐楚殺之故閒行與

破九江王布軍布欲引兵走漢恐楚殺之故閒行與

卷一 西漢年紀 高祖 十

退補齋藏板

隨何俱歸漢布夏四月項王圍漢滎陽漢王請和割

滎陽以西者為漢項王欲聽之歷陽侯范增曰漢易

與耳今釋弗取後必悔之項王乃急圍滎陽漢王患

之項羽謂陳平曰天下紛紛何時定乎平曰項王為

人恭敬愛人士之廉節好禮者多歸之至于行功賞

爵邑重之士亦以此不附今大王嫚而少禮士之廉

節者不來然大王能饒人爵邑士之頑頓讀曰者讀

利無恥者亦多歸漢誠各去兩短集兩長天下指

麾即定矣平世五月漢王出滎陽至成臯自成臯入

關收兵欲復東轅生說漢王曰自漢與楚相距滎陽

數歲漢常困願君王出武關項王必引兵南走音王

深壁令滎陽成臯閒且得休息使韓信等得輯河北

趙地連燕齊君王乃復走滎陽未晚也如此則楚所

備者多力分漢得休息復與之戰破之必矣漢王從

其計出軍宛于元葉武涉閒漢書得九江王布史記項

書韓信傳考異曰此語本之史記項羽紀而漢書

紀書布以十二月歸漢漢王分之兵與俱收兵至成

臯按布以十一月起兵攻楚楚遣龍且擊布數月且

破布軍是布留九江數月豈得次月即至漢也兼收

兵北至成臯亦在宛葉後事羽紀書曰漢王之出滎

卷一

西漢年紀 高祖

十一

退補齋藏板

其實入保成臯卽以後羽引而東使終公守成臯漢王引兵北擊破終公復軍成臯是也漢書韓信傳云楚方急圍漢王滎陽漢王出南之宛葉得九江王布入成臯楚復急圍之與史記合獨紀以布至漢爲十後與羽相距於滎陽紀書二年蓋漢王自彭城既敗之三年夏四月項王圍漢滎陽漢王請和使漢王在成臯羽當圍成臯可也漢王後用紀信計始自滎陽遁至成臯入關耳按史記紀是時亦無屯成臯事當是漢書紀誤今從史記羽紀書布歸漢于宛葉開西楚奪衡山王吳芮地復以爲番君高紀八月漢王數困

滎陽成臯計欲捐成臯以東屯鞏雒以距楚酈食其曰夫敖倉天下轉輸久矣臣聞其下乃有藏粟甚多願足下急復進兵收取滎陽據敖庾之粟塞成臯之

卷一

西漢年紀 高祖

七

退補齋藏板

險杜太行之道距飛狐之口守白馬之津以示諸侯

形制之勢則天下知所歸矣王從之乃謀取敖倉酈

食其又說漢王曰方今燕趙已定惟齊未下考異曰史記漢

書以取敖倉說齊合爲一事唯通鑑取劉向新序分爲二事今從之今田廣據千里之

齊田解將二十萬之眾考異曰漢傳作田閒劉貢父謂此時何緣更有田閒按田

儋傳乃是田儋傳軍于歷城諸田宗彊負海岱阻河濟南

近楚齊人多變詐足下雖遣數十萬師未可以歲月

破也臣請得奉明詔說齊王使爲漢而稱東藩王曰

善乃使食其說齊王廣及相國橫酈食其傳

四年冬十月韓信襲破齊歷下軍田儼傳灌嬰虜華毋

傷嬰傳因入臨菑王廣相橫以酈食其賣已而烹之廣

東走高密橫走博守相田光走城陽將軍田既軍于

膠東田儼傳使使于楚請救韓信傳項王聞韓信破齊且

欲擊楚使龍且周蘭將兵救齊漢紀項王擊陳留外黃

不下數日降悉男子年十五以上詣城東欲阬之外

黃令之舍人兒年十三往說項王曰彭越疆其兩反劫

外黃外黃恐故且降待大王大王至又皆阬之百姓

豈有歸心哉從此以東梁地十餘城皆恐莫肯下矣

卷一 西漢年紀 高祖 十三 退補齋藏板

羽然其言乃舍外黃當阬者而東至睢陽聞之皆爭

下羽傳彭越所下城邑皆復為楚越將其兵北走穀城越彭

傳漢以中尉周昌為御史大夫昌苛從弟也荀紀曰

不知所拜月日今從荀悅漢紀載于高帝馳入成臯之次彭越復下昌邑旁二十

餘城越傳往來苦楚兵絕其糧食高紀韓信使人言漢王

曰齊夸詐多變反覆之國南邊楚不為假王以填之

其勢不定今權輕不足以安之臣請自立為假王當

是時信傳漢方困於滎陽劇通傳考異曰韓信傳云

按是時漢王與項羽相距于滎陽廣武間羽初未嘗圍漢也通鑑削去兩語蒯通傳云韓信自立為假王

漢方困于榮陽遣張良卽立信爲齊王以春二月韓安固之是也今從通傳云漢方困于榮陽

信已王齊使灌嬰別將擊楚將于魯北破之轉南破

薛郡長攻博陽前至下相以東渡淮盡降其城邑至

廣陵項王使項聲薛公鄭公復定淮北嬰渡淮擊破

項聲鄭公下邳斬薛公于下邳壽春擊破楚騎于平

陽遂降彭城虜楚柱國項佗降留薛沛鄒蕭相攻苦

醮與漢王會頤鄉灌嬰傳秋七月立英布爲淮南王本紀

與擊楚布使人之九江得數縣布傳八月初爲算賦漢儀

注民年十五以上至五十六出賦錢人百二十爲一算爲治庫兵車馬北貉莫客反燕人

卷一

西漢年紀 高祖

古

退補齋藏板

來致臯騎助漢本紀九月歸太公呂后按漢遺陸賈說羽請太公羽弗

聽漢復使侯公說羽羽乃與漢約中分天下歸太公呂后此本首尾不具疑有脫漏軍皆稱萬

歲漢王欲封侯公曰此天下之辯士所居傾國故號

曰平國君此事據楚漢春秋

五年冬十一月淮南王布與劉賈入九江誘楚大司

馬周殷殷畔楚遂舉九江兵並行屠城父隨彭越皆

會垓下高紀布傳彭城二字據羽紀十二月漢王與諸侯兵其擊

楚軍與項王決勝垓下齊王信將三十萬自當之孔

將軍居左史記正義曰費將軍居右費侯陳賀也漢

王在後絳侯柴將軍在漢王後項王之卒可十萬韓
信先合不利卻孔將軍費將軍縱楚兵不利韓信復
乘之大敗垓下史記高紀項王兵少食盡漢軍及諸侯兵

圍之數重項王則夜起飲帳中有美人姓虞常幸從
駿馬名騅常騎之于是項王乃悲歌慷慨自爲詩曰

力拔山兮氣蓋世時不利兮騅不逝騅不逝兮可柰

何虞兮虞兮柰若何歌數闋美人和之曰漢兵已略

地四方楚歌聲大王意氣盡賤妾何聊生此據楚漢春秋

于
是項王乃上馬麾下壯士騎從者八百餘人直夜潰

圍南出馳走平明漢軍乃覺之令騎將灌嬰以御史

大夫將五千騎追之項王渡淮騎能屬者百餘人耳

乃欲東渡烏江烏江亭長橫音船待項王笑曰天之

亡我我何渡爲乃自刎而死羽紀項籍已死灌嬰乃渡

江破吳郡長吳下得吳守遂定吳豫章會稽郡還定

淮北嬰傳漢遣劉賈將九江兵與太尉綰及靳歙別定

江陵擊虜臨江王共尉送致雒殺之以臨江爲南郡

見漢紀劉賈靳歙列傳周勃東定楚地泗水東海郡勃傳陳人鄭

君嘗事項籍籍死屬漢漢王令諸故項籍臣名籍鄭

君獨不奉詔詔盡拜名籍者爲大夫而逐鄭君鄭當時傳

春正月諸侯上疏曰楚王韓信韓王信淮南王英布

梁王彭越故衡山王吳芮趙王張耳燕王臧荼昧死

再拜言張晏曰秦以爲人臣上書當言昧犯死罪而言漢遂遵之大王陛下先是

秦爲亡道天下誅之大王先得秦王定關中于天下

功最多存亡定危救敗繼絕以安萬民功盛德厚又

加惠于諸侯王有功者使得立社稷地分以定而位

號比擬無上下之分大王功德之著于後世不宣昧

死再拜上皇帝尊號漢王曰寡人聞帝者賢者有也

卷一

西漢年紀 高祖

六

退補齋藏板

虛言無實之名非所取也令諸侯王皆推高寡人將

何以處之哉諸侯王皆曰大王起于細微滅亂秦威

動海內又以辟讀曰僻陋之地自漢中行威德誅不義

立有功平定海內功臣皆受地食邑非私之也大王

德施四海諸侯王不足以道之居帝位甚實宜願大

王以幸天下漢王曰諸侯王幸以爲便于天下之民

則可矣于是諸侯王及太尉長安侯臣綰等三百人

與博士稷嗣君叔孫通謹擇良日二月甲午上尊號

漢王卽皇帝位于汜水之陽蔡邕曰上古天子稱皇其次稱帝其次稱王秦

自以德兼三皇五帝故
以爲號漢因而不改

班固曰昔詩書述虞夏之際舜禹受禪

古禪字上扇反

積德累功治于百姓攝位行政考之于天經數

十年然後在位殷周之王乃繇

讀與由同

尚稷修仁

行義歷十餘世至于湯武然後放殺秦起襄公

章文繆獻孝昭莊稍蠶食六國百有餘載至始

皇乃并天下以德若彼用力如此其難

古艱字難

也秦既稱帝患周之敗以爲起于處士橫議諸

侯力爭四國交侵以弱見奪于是削去五等墮

卷一

西漢年紀 高祖

七

退補齋藏板

城銷刃箝語燒書內鋤英雄外服胡粵用壹威

權爲萬世安然十餘年間猛敵橫發乎不虞敵

讀曰

戍疆于五伯

讀曰

閭閻逼於干戈嚮

音應響

音慘

於謗議奮臂威于甲兵鄉

讀曰

秦之禁適

所以資豪傑而速自斃也是以漢亡尺土之階

由一劍之任五載而成帝業書傳所記未嘗有

焉何則古世相革皆承聖王之烈今漢獨收孤

秦之弊鑄金石者難爲功摧枯朽者易爲力其

勢然也

更王后曰皇后太子曰皇太子

考異曰漢書本紀作尊王后為皇后太子

曰皇太子通鑑易為更字今從通鑑追尊先媼曰昭靈夫人

本紀注漢官儀云高

帝母起兵時死小黃北後作陵廟于外黃陳雷風俗

傳云沛公起兵野戰喪皇妣于黃得天下乃使使者

梓官招魂諡曰昭靈夫人因諸侯剖符受封韓王信

作園陵寢殿司馬門鐘簾傳天下大定帝西都雒陽諸侯皆臣屬史記夏五月兵

皆罷歸家漢紀詔曰諸侯子在關中者復方目之十二

歲其歸者半之民前或相聚山澤不書名數今天下

已定令各歸其縣復故爵田宅吏以文法教訓辯告

勿笞辱民以饑餓自賣為人奴婢者皆免為庶人軍

吏卒會赦其亡罪而亡爵及不滿大夫者皆賜爵為

大夫故大夫以上賜爵各一級其七大夫以下皆令

食邑贍曰秦制列侯乃得食邑今七大夫以上皆食邑所以寵之也非七大夫以下

皆復其身及戶勿事本紀又曰七大夫公乘以上皆高

爵也諸侯子及從軍歸者甚多高爵吾數詔吏先與

田宅及所當求于吏者居力反與爵或人君上所尊

禮久立吏前曾不為決甚無謂也異曰秦民爵公大

夫以上令丞與亢禮今吾于爵非輕也吏獨安取此

且法以有功勞行田宅今小吏未嘗從軍者多滿而

卷一

西漢年紀 高祖

六

退補齋藏板

有功者顧不得背公立私守尉長吏教訓甚不善其

令諸吏善遇高爵稱吾意且廉問有不如吾詔者以

重論之本紀上折隨何之功謂何為腐儒為天下安用

腐儒哉隨何跪曰方陛下之敗于彭城也發步卒五

萬人騎五千能以取九江乎考異曰漢書黥布傳載

隨何跪曰夫陛下引兵

攻彭城楚王未去齊也按高祖自彭城既敗過虞地

始遣隨何說九江王此云引兵攻彭城楚王未去齊

非是今微上曰不能隨何曰陛下使何與二十八使

為刪潤九江如陛下之意是何之功賢于步卒五萬人騎五

千也然陛下謂何腐儒為天下安用腐儒何也上曰

卷一

西漢年紀 高祖

充

退補齋藏板

吾方圖子之功乃以隨何為護軍中尉英布田橫懼

誅而與其徒屬五百餘人入海居島中帝聞之乃使

使赦橫罪而召之田橫乃與其客二人乘傳詣雒陽

未至三十里至尸鄉廐置橫謝使者曰人臣見天子

當洗沐止畱謂其客曰陛下所以欲見我者不過欲

一見吾面貌耳陛下在洛陽今斬吾頭馳三十里間

形容尙未能敗猶可觀也遂自剄田橫傳

班固贊曰周室既壞至春秋末諸侯耗盡而炎

黃唐虞之苗裔尙猶頗有存者秦滅六國而上

古遺烈掃地盡矣楚漢之際豪傑相王惟魏豹
韓信田儋兄弟爲舊國之後然皆及身而絕橫
之志節賓客慕義猶不能自立豈非天序

秋七月趙景王張耳薨子敖嗣尙帝長女魯元公主
爲后耳長沙文王吳芮薨子臣嗣初文王芮帝賢之

制詔御史長沙王忠其定著令

芮傳

班固贊曰昔高祖定天下功臣異姓而王者八
國皆微一時之權變以詐力成功咸得裂土南
面稱孤見疑疆大懷不自安事窮勢迫或謀叛

卷一

西漢年紀 高祖

三

退補齋
藏板

逆逆終于滅亡張耳以智全至子亦失國惟吳
芮之起不失正道故能傳號五世以無嗣絕有
以矣夫

九月虜燕王臧荼時諸侯非劉氏而王者七人上欲

王盧縮爲羣臣缺

音決

望乃下詔詔諸將相列侯擇羣

臣有功者立以爲燕王羣臣知上欲王縮皆曰太尉

長安侯盧縮常從平定天下功最多可王上乃立縮

爲燕王

縮傳

罷太尉官

史記大事記

大縮與上同里生又同日

帝東擊項籍以太尉從出入臥內衣被飲食賞賜羣

臣莫敢望雖蕭曹特以事見禮至其親幸莫有如綰

者傳故特王之通使樊噲將兵平代地本紀曰此語見本

紀通鑑削之溫公謂是時代地無反者故去之不疑

按燕王臧荼之反攻下代地高帝自將攻之既虜臧

荼遂立盧綰為燕王代地餘寇帝不自往故命樊噲

將兵平之耳紀稱噲以丞相將兵考傳噲平韓王信

方遷丞相此未得為利幾反上自擊破之利幾者項

丞相也今刪去三字羽將羽敗利幾為陳令降上侯之潁川上至雒陽舉

通侯籍召之而利幾恐反本紀後九月徙諸侯子關中

六年冬十月令天下縣邑城本紀十二月詔曰天下既

安豪傑有功者封侯新立未能盡圖其功身居軍九

年或未習法令或以其故犯法大者死刑吾憐之其

赦天下漢書遂會諸侯於陳平世家按史記人有

平計偽遊雲夢執之遂會諸侯于陳還至洛陽淮南

赦信為淮陰侯此本但紀會陳事疑有脫漏淮南

王布梁王越來朝布越傳考異曰是時諸侯來朝

春正月丙戌封呂后兄澤為周呂侯釋之建成侯史記

班固曰漢興外戚與定天下侯者二人是後薄

昭實嬰上官衛霍之侯以功受爵其餘后父據

春秋褒紀之義帝舅緣大雅申伯之意寢廣博

卷一

西漢年紀 高祖

三

退補齋藏板

分楚地爲二國詔曰齊古之建國也今爲郡縣其復以爲諸侯將軍劉賈數有大功及擇子弟可以爲王者王齊荆地丙午韓王信等奏請以故東陽郡鄆郡

吳郡五十三縣立從父兄賈爲荆王漢史記紀都吳年表以

碭郡薛郡鄒郡三十六縣立少弟文信君交爲楚王

漢史記紀都彭城年表交好書多材藝少與魯穆生白生申

公俱受詩于浮邱伯伯者孫卿門人也及秦焚書各

別去交王楚乃以穆生白生申公爲中大夫元王傳以

雲中鴈門代郡五十三縣立次兄宜信侯爲代王以

卷一 西漢年紀 高祖 三 退補齋藏板

膠東膠西臨淄濟北博陽城陽郡七十三縣立微時

外婦子肥爲齊王漢史記紀都臨淄年表諸民能齊言者皆

與齊高紀

太史公曰悼惠之王齊最爲大國以海內初定

子弟少激秦孤立亡藩輔故大封同姓以鎮天

下時諸侯得自除御史大夫羣卿以下如漢朝

漢獨爲置丞相自吳楚誅後稍奪諸侯權左官

附益之法設其後諸侯唯得衣食租稅貧者或

乘牛車

以曹參爲齊相國參之相齊齊七十城天下初定王
富于春秋參盡召長老諸先生問所以安集百姓如
齊故俗諸儒以數百言人人殊參未知所定聞膠西
有蓋公善治黃老言使人厚幣請之既見蓋公蓋公
爲言治道貴清靜而民自定推此類具言之參于是
避正堂舍蓋公焉其治要用黃老術故相齊九年齊
國安集大稱賢相

參世家
列傳

封張良爲留侯蕭何鄼侯

鄼商曲周侯周勃絳侯樊噲舞陽侯灌嬰潁陰侯周

昌汾陰侯武虎梁鄒侯董濼成侯孔聚蓼侯陳賀費

卷一

西漢年紀 高祖

三

退補齋
藏板

侯陳豨陽夏侯丁未封周竈爲隆慮侯戊申封丁復

爲陽都侯

功臣表

壬子封呂青爲新陽侯戊午封郭蒙

爲東武侯

功臣表

時論功行封羣臣爭功歲餘不決

上以蕭何功最盛先封食邑八千戶功臣皆曰臣等

披堅執銳多者百餘戰少者數十合攻城略地大小

各有差今蕭何未有汗馬之勞徒持文墨議論不戰

顧居臣等上何也上曰諸君知獵乎曰知之知獵狗

乎曰知之上曰夫獵追殺獸者狗也而發縱指示獸

處者人也今諸君徒能走得獸耳功狗也至如蕭何

發縱指示功人也且諸君多以身從我多者兩三人

蕭何舉宗數十人皆隨我功不可忘也羣臣後皆莫

敢言何世家張良亦無戰鬪功帝使自擇齊三萬戶良

曰臣始起下邳與上會留此天以臣授陛下陛下用

臣計幸而時中臣願封畱足矣不敢當三萬戶良世家

上已進封大功臣二十餘人考異曰此據張良傳而高紀作三十餘人按年

表止二十八人今從良傳三月戊子上置酒封雍齒為什加侯二

千五百戶考異曰漢書表作正月戊午史記表作三

朔是月無戊午當是漢書誤今從史記又川北漢書本表亦作三月戊子按今本漢書表無作正月戊午

卷一 西漢年紀 高祖

十四

退補齋藏板

者丙申封陳武棘蒲侯庚子封朱軫都昌侯嚴不職

武彊侯傅胡害貫武制反齊侯搖毋餘海陽侯宣虎南

安侯蔡寅肥如侯蟲達曲成侯陳涓河陽侯夏四月

癸未封閭澤赤敬市侯功臣表上歸櫟陽本紀張良素多

病從上入關卽道引不食穀杜門不出考異曰通鑑載于五年按

漢書張良傳六年封功臣時始封畱侯豈得謂之杜門不出耶今移于此曰家世相韓及

韓滅不愛萬金之資為韓報仇彊秦天下搖動今以

三寸舌為帝者師封萬戶侯此布衣之極于良足矣

願棄人閒事從赤松子遊耳良世家上五日一朝太公

太公家令說太公曰天亡二日土無二王皇帝雖子
人主也太公雖父人臣也柰何令人主拜人臣如此
則威重不行後上朝太公擁篲迎門卻行上大驚下
扶太公太公曰帝人主柰何以我亂天下法上心善
家令言賜黃金五百劬五月丙午詔曰人之至親莫
親于父子故父有天下傳歸于子子有天下尊歸于
父此人道之極也前日天下大亂兵革竝起萬民苦
殃朕親被堅執銳自帥士卒犯危難平暴亂立諸侯
偃兵息民天下大安此皆太公之教訓也諸王徹侯

卷一

西漢年紀 高祖

三

退補齋
藏板

將軍羣卿大夫已尊朕爲皇帝而太公未有號今上

尊太公曰太上皇

本紀

六月丁亥封戎賜柳邱侯周止

魏其侯繒賀祁穀侯工師喜平侯奚涓魯侯尹恢城

父侯張越任侯襄棘邱侯秋七月庚寅封郭亭河陵

侯單究昌武侯戊戌封丙猜高宛侯丁義宣曲侯華

毋害終陵侯八月丙辰封劉到東茅侯唐厲斤邱侯

甲子封戴野臺侯王陵安國侯丁禮樂成侯審食其

辟陽侯周緜鄰成侯

功臣表

王陵從漢定天下以善雍

齒雍齒帝之仇而陵本無意從帝以故晚封

陳丞相世家

列侯畢已受封封爵之誓曰使黃河如帶泰山若厲

國以永存爰及苗裔申以丹書之信本紀曰與功臣剖符作誓丹書

鐵契金匱石室藏之宗廟重以白馬之盟王陵曰高帝刑白馬而盟曰非劉氏而王者天下共

擊之又作十八侯之位次功臣表序鄼侯蕭何第一平陽

曹參第二第三闕考異曰侯表以張敖為第三按是時張敖正為趙王未為宣平侯也意必

高后時曲升之非高祖之舊也今既無考姑闕之絳侯周勃第四舞陽侯樊

噲第五曲周侯酈商第六魯侯奚涓第七汝陰侯嬰

第八潁陰侯灌嬰第九陽陵侯傅寬第十信武侯靳

歙第十一安國侯王陵第十二棘蒲侯陳武第十三

卷一 西漢年紀 高祖 三 退補齋 藏板

清河侯王吸第十四廣平侯薛歐第十五汾陰侯周

昌第十六陽都侯丁復第十七曲成侯蟲達第十八

為計相一月更以列侯為主計四歲是時蕭何為相功臣表 遷張蒼

而蒼乃自秦時為柱下御史明習天下圖書計籍又

善用算律歷故令蒼以列侯居相府領主郡國上計

者蒼列傳 立大市于長安史記大 是歲魯侯奚涓死亡

子封其母底為重平侯封彫音而 而跖之亦 芒侯陳大乞

高胡侯奚類厭次侯功臣表 詔御史令豐治枌榆社常

以時春以羊彘祀之令祝立蚩尤之祀于長安長安
置祠祀官女巫其梁巫祀天地天社天水房中堂上
之屬晉巫祠五帝東君雲中君巫社巫祠族人炊之
屬秦巫祠社主巫保族纍力追反之屬荆巫祠堂下巫
先司命施糜之屬九天巫祠九天皆以歲時祀宮中
其河巫祠河于臨晉而南巫祠南山秦中秦中者二
世皇帝也各有時日郊祀志

卷一

西漢年紀

高祖

三七

退補齋藏板

西漢年紀卷之二

宋王益之撰

郡後學胡鳳丹月樵校梓

高祖

七年冬十月長樂宮成諸侯羣臣皆朝賀儀先平明

謁者治禮引以次入殿門廷中陳車騎步卒

漢書作戌卒

衛官

史記作衛宮

設兵張旗志

一作職

傳曰趨殿下郎中俠

陛陞數百人功臣列侯諸將軍軍吏以次陳西方東

鄉文官丞相以下陳東方西鄉大行設九賓臚

傳于是皇帝輦出房

輿服志云殷周以輦載軍器至秦去輪而輿至尊

百官

卷二

西漢年紀高祖

一

退補齋藏板

執職

漢書作戟

傳警引諸侯王以下至吏六百石以次奉

賀自諸侯王以下莫不震恐肅敬乃拜叔孫通為奉

常賜金五百觔初通從弟子百餘人然無所進刺言

諸故羣盜壯士進之弟子皆曰事先生數年幸得從

降漢今不進臣等刺言大猾何也通曰漢王方蒙矢

石爭天下諸生寧能鬪乎故先言斬將搴旗之士諸

生且待我我不忘矣至是通因進曰諸弟子儒生隨

臣久矣與臣共為儀願陛下官之帝悉以為郎通出

皆以五百觔金賜諸生諸生乃喜曰叔孫生誠聖人

也知當世之要務傳叔孫通既為奉常遂定儀法

志著漢儀十二篇見後漢曹褒傳班固上叔孫通漢略多不益律旁章十八篇晉刑法志漢興樂家有制氏度

日魯以雅樂聲律世世在太樂官但能紀其鏗鏘鼓

舞而不能言其義通乃因奏樂人制宗廟樂考異曰漢書禮

樂志以為高祖時不附歲月今附于定禮儀之後他皆類此太祝迎神于廟門奏

嘉至猶古降神之樂也皇帝入廟門奏永至以為行

步之節猶古采齊才私反肆夏也乾豆上奏登歌獨上

歌不以管絃亂人聲欲在位者徧聞之猶古清廟之

歌也登歌再終下奏休成之樂美神明既饗也皇帝

就酒東廂坐定奏永安之樂美禮已成也又作昭容

樂禮容樂考異曰禮樂志作六年今附于叔孫通制樂之後昭容者猶古之

昭夏也主出武德舞禮容者主出文始五行舞舞入

無樂者將至至尊之前不敢以樂也出用樂者言舞

不失節能以樂終也大氏丁禮反皆因秦舊事焉禮樂志

班固曰孔子曰殷因於夏禮所損益可知也周

因於殷禮所損益可知也其或繼周者雖百世

可知也今大漢繼周久曠大儀未有立禮成樂

卷二 西漢年紀 高祖 二 退補齋藏板

此賈誼仲舒王吉劉向之徒所為發憤而增嘆

也

初帝入關約法三章蠲削煩苛兆民大說讀曰悅其後

四夷未附兵革未息三章之法不足以禦姦于是蕭

何攜九問反摭之石反秦法取其宜于時者作律九章刑法

志考異曰不知其時今因叔孫通定禮儀因附于後魏文侯時李悝著法經

六篇然皆罪名之制也商鞅受之以相秦及何定律

益事律與廄戶三篇解題曰興律廄律戶律合為九篇

晉刑法志崔定政論曰何作九章之律有夷三族之令黥劓斬趾斷舌梟首故謂之具五刑後漢陳

卷二 西漢年紀 高祖 三

退補齋藏板

忠曰蕭何創制大臣有告寧之科藝文志曰蕭何草律著其法曰太史試學童能誦九千字以上乃得

為史又以六體試之課最者以為尚書御史史書令史吏民上書字或不止輒舉刻六體者古文奇字篆

書隸書繆篆蟲書皆所以通知古今文字摹印章書幡信也先是秦為虐政四時

行刑至何草律季秋論報陳龍議見通典常書三冬之月漢

事又陳寵曰但避立春之月不計天地之正張良韓信序次兵法凡百八

十二家刪取要用定著三十五家藝文志天下既定京

師有南北軍之屯外命天下郡國選引疆蹶張材力

武猛者以為輕車騎士材官樓船漢官儀考異曰此據漢官儀所載

耳班固刑法志云天下既定踵秦而置材官于郡國京師有南北軍之屯至武帝平百粵內增七校外有

樓船果如固言則樓船蓋武帝制漢初無有也以史考之淮南王長嘗發樓船擊南海見事嚴助傳註則非武帝始制明矣嚴安傳曰秦皇帝使尉屠睢將樓船之士攻越是樓船乃秦制也漢官儀以爲高帝置是必高帝因秦行之常以立秋後郊禮畢斬牲于東至武帝益增多耳

門以薦陵廟肆孫吳兵法六十四陣每月都試金

革騎士各有員數如有寇警平地用車騎山阻用材

官水泉用樓船通典張蒼緒正律歷以帝十月始至霸

上因故奏時本以十月爲歲首弗革張蒼傳以蒼言用

顯頊歷比于六歷疏闕中最爲微近而朔晦月見並

望滿虧多非是律歷志又推五德之運以爲漢當水德

卷二 西漢年紀高祖 四 退補齋藏板

之時尙黑如故吹律調樂入之音聲及以比作代反定

律令若百工天下作程品張蒼傳

太史公曰幽厲之後周室微陪臣執政史不記

時君不告朔故疇人之子弟分散戰國獨有鄉

衍明於五德之傳而散消息之分以顯諸侯秦

自以爲獲水德之瑞而正以十月色上黑然歷

度閏餘未能賄其真也帝亦自以爲獲水德之

瑞雖明習歷及張蒼等咸以爲然

帝微時常避事時時與賓客過其邱嫂食嫂厭叔與

客來陽爲羹盡轅音勞釜客以故去已而視釜有羹繇

讀曰是怨嫂及立齊代王而伯子獨不得封太上皇

以爲言帝曰某非敢忘封之也爲其母不長者至是

始封其子信爲羹頡音戛侯楚元王傳按荀悅漢紀

午與漢書楚元王傳及封羹頡侯作六年正月丙

侯表異當是荀紀誤甲子封陳胥爲復陽侯擊項籍功

其石陽河侯定諸侯功後又封許盜柏至侯華寄朝陽侯

皆以擊羽功功臣表辛卯立子如意爲代王本紀以郎中陽夏侯

陳豨爲代相考異曰盧縮傳云上至平城還拜豨今

王張敖尚在不應漢爲置相惟韓信傳以爲代相此言之得矣今從信傳劉貢父亦以爲當作代相監

趙代邊邊兵皆屬焉盧縮傳春令郎中有罪耐以上請

之民產子復勿事二歲本紀二月帝至長安蕭何治未

央宮立東闕北闕前殿武庫太倉顏曰未央殿雖南

見之徒皆詣北闕公車司馬亦在北焉是則以北闕

爲正門而又有東門東闕至于西南兩面無門闕矣

蓋蕭何初立未央宮秦兼天下建皇帝之號立百官

以厭勝之術理宜然秦兼天下建皇帝之號立百官

之職漢因循而不革明簡易隨時宜也考異曰高帝

公其官爵皆楚制如左司馬連敖之類是也自入闕

封漢元年始用秦制以蕭何爲丞相周苛爲御史大

夫夏侯嬰爲太僕襄爲治粟內史周昌爲中尉二年

盧縮爲太尉五年王恬啓爲郎中令義渠爲廷尉薛

歐爲典客陽咸延爲少府酈商爲衛尉七年叔孫通

爲奉常是時已盡取秦制然猶未備也自七年置宗

卷二 西漢年紀 高祖 五

退補齋藏板

正而官制備矣蓋漢初之制多定于七年今附于置宗正之後百官表內屬令或有後世所增置者或以微職無甚關係丞相金印紫綬掌承天子助理萬機者皆闕不著

有兩長史秩千石太尉金印紫綬掌武事御史大夫銀印青綬掌副丞相有兩丞秩千石一曰中丞在殿中蘭臺掌圖籍祕書外督部刺史內領侍御史員十五人受公卿奏事舉劾按章丞相太尉御史大夫是爲三公奉常掌宗廟郊祀禮樂典經博士及諸陵縣皆屬郎中令掌宮殿掖門戶大夫郎謁者皆屬衛尉掌宮門衛士屯兵公車司馬及諸屯衛候司馬二十

卷二

西漢年紀 高祖

六

退補齋藏板

二官皆屬長樂亦有衛尉掌其宮職略同位在同名卿上見晉志太僕掌輿馬廷尉掌刑辟典客掌歸義蠻

夷屬有行人宗正掌親屬治粟內史掌穀貨屬有太倉都內令丞少府掌山海池澤之稅以給供養屬有尚書又黃門御府丞巷內有宦者令丞諸僕射署長中黃門皆屬焉凡九卿秩皆中二千石丞皆千石廷尉無丞有正監秩比千石屬令長皆六百石中尉掌徼循京師秩與九卿同有兩丞候司馬千石屬官有中壘武庫令丞又式道左右中候及京輔兵卒皆屬

焉太子太傅少傅古官將作少府掌治宮室詹事掌
皇后太子家將行皇后卿或用中人或用士人典屬
國掌蠻夷降者內史周官秦因之掌治京師主爵中
尉掌列侯自太子太傅至主爵中尉皆秩二千石丞
六百石皆秦官也侍中左右曹諸吏散騎中常侍皆
加官所加或列侯將軍卿大夫將都尉尙書太醫太
官令至郎中無員多至數十人給事中亦加官所加
者或大夫博士議郎位次中常侍侍中黃門有給事
黃門位從將軍大夫皆秦制也爵二十級一公十二

卷二

西漢年紀 高祖

七

退補齋
藏板

上造三簪褭四不更五大夫六官大夫七公大夫八
公乘九五大夫十左庶長十一右庶長十二左更十
三中更十四右更十五少上造十六大上造十七駟
車庶長十八大庶長十九關內侯二十徹侯皆秦制
以賞功勞徹侯金印紫綬改所食國令長名相諸侯
王帝初置金璽蓋音庚綬掌治其國有太傅輔王內史
治國民中尉掌武職丞相統眾官羣卿大夫都官如
漢朝郡守掌治其郡秩二千石有丞邊郡又有長史
掌兵馬秩皆六百石郡尉掌佐守典武職甲卒秩比

二千石有丞秩皆六百石縣令長掌治其縣萬戶以上爲令秩千石至六百石減萬戶爲長秩五百石至三百石皆有丞尉秩四百石至二百石是爲長吏百石以下有斗食佐史之秩是爲少吏大率十里一亭亭有長十亭一鄉鄉有三老有秩嗇夫游徼三老掌教化嗇夫職聽訟收賦稅游徼循禁賊盜縣大率方百里其民稠則減稀則曠鄉亭亦如之皆秦制也列侯所食縣曰國皇后公主所食曰邑有蠻夷曰道凡吏秩比二千石以上皆銀印青綬比六百石以上

卷二

西漢年紀 高祖

八

退補齋藏板

皆銅印黑綬大夫博士御史謁者郎無其僕射御史治書尚符璽者有印綬比二百石以上皆銅印黃綬

以上並依百官表及通典荀氏漢紀參修漢制三公號稱萬石月各三百

五十斛中二千石者月百八十斛真二千石者百五

十斛 考異曰顏氏百官表注百官俸闕真二千石按汲黯傳如清註曰諸侯王相秩真二千石律真

二千石月得百五十斛二千石月得百二十斛通典以真二千石卽二千石所未論也今從如清註增入

又外戚傳顏氏註亦曰真二千石者百二十斛比二

千石者百斛千石者九十斛比千石者八十斛六百

石者七十斛比六百石者六十斛四百石者五十斛

此四百石者四十五斛三百石者四十斛比三百石

者三十七斛二百石者三十斛比二百石者二十七

斛一百石者十六斛斗食月十一斛佐史月八斛氏頰

百官表註秋七月丙申封杜得臣為棘陽侯學功林摯平

棘侯用燕相侯並見功臣表太上皇徙居長安深宮悽慘不樂

帝竊因左右問其故以平生所好皆屠販少年沽酒

鬪鷄蹴鞠以此為權今咸無焉以故不樂帝乃于驪

邑作新豐移諸故人實之太上皇乃悅帝少時常禱

豐粉符云反榆之社及移新豐亦遷立焉西京雜記

卷二 西漢年紀 高祖 九 退補齋藏板

八年冬十月上東擊韓信餘寇于東垣音還過趙趙

相貫高等恥上不禮其王陰謀欲弑上上心動去弗

宿高紀癸丑封趙將夕深澤侯學平城功丙辰封燕相溫疥

介音為摶侯告燕王臧茶反癸酉封淮陰侯攻臧茶功並功臣表十

一月令士卒從軍死者為櫜音歸其縣縣給衣衾棺

葬具祠以少牢長吏視葬本紀十二月丁未封衛胙音

武原侯擊韓王信功陳錯學代陳絳功春二月丁卯封許

愆克制反宋子侯宋諸侯功三月丙戌封陳遯古速字倚氏侯

室中同清侯雷盼疆侯秦同彭侯皆以擊羽功見功臣表行如

紀本

令吏卒從軍至平城及守城邑者皆復終身

勿事令獨非公乘以上毋得冠劉氏冠

紀本

初秦兼天

下幣爲二等黃金以鑑爲名上幣銅錢文曰半兩重

如其文而珠玉龜貝銀錫之屬爲器飾寶臧不爲幣

漢興以爲秦錢重難用更令民鑄莢音錢黃金一觔

而不軌逐利之民蓄積餘贏以稽市物物痛騰躍米

至石萬錢馬至匹百金天下已平帝乃令賈人毋得

衣錦繡綺縠絺紵罽操兵乘騎馬重稅租以困辱之

食貨志本紀漢律人出一算惟賈人與奴婢陪算

漢接秦之弊諸侯並起民

卷二

西漢年紀 高祖

十

退補齋藏板

失作業天下既定民亡蓋藏自天子不能具醇駟而

將相或乘牛車于是約于省禁輕田租什伍而稅

一量吏祿度官用以賦于民而山川園池市肆租稅

之入自天子以至封君湯沐邑皆各爲私奉養不領

于天下之經費轉漕關東粟以給中都官歲不過數

十萬石

食貨志

夏四月辛卯封魏邀甯侯

擊臧茶功

六月戊

申封旅卿昌侯壬子封旅罷

讀曰皮

師共

音侯信功擊韓王

馮解散闕氏侯

平代功

秋七月辛酉封張說安邱侯

並見功臣表

八月吏有罪未發覺者赦之

紀本

九月丙午封

紀成子通爲襄平侯

通以父戰好時死事侯

己未封陳署龍陽

侯

新曹咎功功臣表

是歲或言局興而邑立后稷之祠至今

血食天下于是帝制詔御史其令天下立靈星祠常

以歲時祠以牛

郊祀志

祀用壬辰位祠之縣邑令長侍

祠舞者童男十六人舞象教田初爲芟除次耕種次

耘耨驅爵及獲刈春簸之形象成功

通典

冒頓數苦北

邊上患之乃使劉敬奉宗室女翁主名爲長公主妻

單于爲關氏歲奉匈奴絮繒酒食物有數約爲兄弟

以和親冒頓乃少止

匈奴傳

卷二

西漢年紀 高祖

七

退補齋藏板

九年冬十月未央宮成淮南王英布梁王彭越趙王

張敖楚王交及羣臣朝于未央宮置酒前殿太上皇

輦上坐上捧玉卮起爲太上皇壽曰始大人常以臣

亡賴不能治產業不如仲力今某之所就孰與仲多

太上皇笑殿上羣臣皆呼萬歲

史記大事記漢書本紀

劉敬從

匈奴來言願陛下徙齊諸田楚昭屈景燕趙韓魏後

及豪傑各家居關中無事可以備胡諸侯有變亦足

率以東伐此疆本弱支之術也上曰善十一月乃使

劉敬徙所言關中十餘萬口

敬傳

與利田宅

地理志曰秦地于禹貢時跨雍梁二州詩風兼

秦幽兩國昔后稷封豳

讀曰郿

公劉處幽太王徙

岐文王作鄴武王治鎬其民有先王遺風好稼穡務本業故幽詩言農桑衣食之本甚備有鄠

杜竹林南山檀柘號稱陸海爲九州膏腴始皇之初鄭國穿渠引涇水溉田沃野千里民以富

饒漢興立都長安徙齊諸田楚昭屈景及諸功臣家于長陵後世世徙吏二千石高訾富人及

豪傑并兼之家于諸陵蓋亦以強幹弱支非獨

卷二

西漢年紀

高祖

十一

退補齋藏板

奉爲山園也是故五方雜厝

古錯字

風俗不純其

世家則好禮文富人則商賈爲利豪傑則遊俠

通姦瀕南山近夏陽多險阻輕薄易爲盜賊常

爲天下劇又郡國輻湊浮食者多民去本就末

列侯貴人車服僭上眾庶放效羞不相及嫁娶

尤崇侈靡送死過度

十二月壬寅封張瞻師爲平侯

擊諸侯功見功臣表

三月丙戌

詔以須毋爲陸量侯自置吏令長受令長沙王夏四

月戊寅封長沙將鄧弱爲離侯長沙柱國吳郢爲義

令侯又封周成爲高景侯成苛之子以父死事侯表

六月以奉常叔孫通爲太子太傅百官表大謁者臣章

受詔長樂宮曰令羣臣議天子所服以安治天下丞

相臣何御史大夫臣昌謹與將軍臣陵太子太傅臣

通等議春夏秋天子所服當法天地之數中得人

和故自天子王侯有土之君下及兆民能法天地順

四時以治國家身無禍殃年壽永究是奉宗廟安天

下之大禮也臣請法之中謁者趙堯舉春李舜舉夏

兒湯舉秋貢禹舉冬四人各職一時大謁者襄章奏

卷二 西漢年紀 高祖 三 退補齋藏板

制曰可魏相傳罷涓南河上中地郡復隸內史以地理志修

周昌爲人強力敢直言自蕭曹等皆卑下之昌嘗燕

時入奏事帝方擁戚姬昌還走帝遂得騎昌項問曰

我何如主也昌仰曰陛下卽桀紂之主于是上笑之

然尤憚昌昌傳吕后晚節色衰愛弛而定陶戚姬有寵

于上生趙王如意上以太子仁弱謂如意類己雖封

爲趙王常留之長安上之關東戚姬常縱日夜啼泣

欲立其子吕后常留守益疏外戚世家通鑑上欲廢太子而

立趙王大臣爭之皆莫能得周昌廷爭之疆上問其

說昌爲人吃又盛怒曰臣口不能言然臣期期知其不可陛下欲廢太子臣期期不奉詔上欣然而笑既罷吕后側耳于東廂聽見周昌爲晚謝曰微君太子幾廢時趙王年少帝憂萬歲之後不全也符璽御史趙堯侍帝帝獨心不樂悲歌羣臣不知上之所以然堯進問曰陛下所爲不樂非爲趙王年少而戚夫人吕后有卻備萬歲之後而趙王不能自全乎帝曰然吾私憂之不知所出堯曰陛下獨宜爲趙王置貴強相及吕后太子羣臣素所敬憚者乃可帝曰然吾念

卷二

西漢年紀 高祖

古

退補齋藏板

之欲如是而羣臣誰可者堯曰御史大夫周昌其人堅忍質直自吕后太子及大臣皆素敬憚之獨昌可帝曰善于是乃召周昌謂曰吾固欲煩公公彊爲我相趙王周昌泣曰臣初起從陛下陛下獨奈何中道而棄之于諸侯乎帝曰吾極知其左遷然吾私憂趙王念非公無可者公不得已彊行于是徙御史大夫

周昌爲趙相

昌傳一考異曰通鑑載于十年按九年張敖旣廢徙如意爲趙王昌必以此時

爲相史記大事記載于九年是爲得之今從史記

是歲酈商以將軍將太上

皇衛

商傳考異曰商傳以爲陳絺反前一年今載于此次年太上皇崩意者此言亦隨省也

十年冬十月淮南王英布梁王彭越燕王盧綰荆王

賈楚王交齊王肥長沙王吳芮皆來朝長樂宮史記本紀

周昌既行久之帝持御史大夫印弄之曰誰可以為

御史大夫者孰視堯曰無以易堯遂拜堯為御史大

夫考異曰史記大事記漢書百官表皆書堯除日於十年今從之初趙人方與音房

公謂周昌曰君之史趙堯年雖少然奇士君必異之

且代君之位昌笑曰堯年少刀筆吏耳何至是乎頃

之果代昌位昌傳春有司請令縣常以春二月及臘祠

稷以羊彘民里社各自裁以祠制曰可郊祀志夏五月

卷二西漢年紀高祖 五退補齋藏板

太上皇崩于櫟陽宮秋七月癸卯葬太上皇于萬年

考異曰漢書本紀云五月太上皇后崩七月癸卯太上皇崩葬萬年考荀紀五月無后字七月無崩字蓋荀悅之時漢書本尚

未訛謬也今從荀紀楚王交梁王彭越來送葬赦櫟

陽囚死罪以下荀紀漢紀史記八月令諸侯皆立太上皇廟

于國都本紀陳豨少時常稱慕魏公子及將守邊招致

賓客常告過趙賓客隨之者千餘乘邯鄲官舍皆滿

豨所以待賓客如布衣交皆出客下豨還之代趙相

周昌乃求人見上具言豨賓客盛甚擅兵于外數歲

恐有變上乃令人覆按豨客居代者財物諸不法事

多連引豨豨恐盧綰傳故韓王信令王黃曼卿臣說豨

信傳及太上皇崩上因是召陳豨豨稱病甚九月遂與

王黃等反自立為代王劫略趙代盧綰傳上曰豨嘗為

吾使甚有信代地吾所急故令豨以相國守代今乃

與王黃等劫掠代地吏民非有罪也能去豨黃來歸

者皆舍之本紀上欲自擊豨信武侯周繆泣曰始秦攻

破天下未嘗自行今上常自行是亡人可使者乎上

以為愛我賜入殿門不趨殺人不死周繆傳

太史公曰周繆操心堅正身不見疑上欲有所

卷二西漢年紀 高祖夫退補齋藏板

之未嘗不流涕此有傷心者然可謂篤厚君子

矣

時沛人任敖素善于上為上黨守堅守不下荀是歲

制詔御史曰獄之疑者吏或不敢決或有罪者久而

不論無罪者久繫不決自今以來縣道官獄疑者各

讞所屬二千石官二千石官以其罪名當報之所不

能決者皆移廷尉廷尉亦當報之廷尉所不能決謹

具為奏傳讀曰所當比律令以聞刑法志考異曰

紀載于十年當是此時本猶未誤耳今從荀紀

十一年冬上在邯鄲陳豨相侯傲

考異曰漢紀作將今從斬欽傳將

萬餘人游行王黃將騎千餘軍曲逆

漢紀

上命車騎將

軍斬欽并將梁趙齊燕楚車騎擊破之因降曲逆

斬欽傳

考異曰將諸侯軍見斬欽傳蓋高帝前以羽檄徵天下兵至此而集按彭越傳帝至邯鄲徵兵

梁王梁王稱病使將將兵詣邯鄲此梁兵也周昌為

趙相白趙壯士四人為將帝曰今計獨有邯鄲中兵

此趙兵也楊陵侯傳寬以齊相擊陳豨此齊兵也盧

綰傳高祖如邯鄲擊豨燕王綰亦擊其東北此燕兵

也獨楚無所見時

交為楚王當考 太尉周勃取道太原人定代地至

馬邑馬邑不下攻殘之趙利守東垣十二月上自攻

之不下卒罵上怒城降卒罵者斬之諸縣堅守不降

卷二

西漢年紀 高祖

七

退補齋藏板

反寇者復租三歲漢紀突已封河間守張相如為東陽

侯後封中尉陶舍開封侯郎中丞孫昔承成侯孫亦

堂陽侯高色祝阿侯趙堯江邑侯劉澤營陵侯宣義

士軍侯任敖廣阿侯趙衍須昌侯公上不害汲侯呂

臣甯陵侯祕彭祖戴侯

功臣表

舍人樂說得罪于韓信

信因欲殺之春正月舍人弟上變告信欲反狀于呂

后呂后欲召恐其黨不就乃與蕭相國謀詐令人從

上所來言陳豨已死列侯羣臣皆賀相國給信曰雖

疾彊人賀信人呂后使武士縛信斬之長樂鐘室信

方斬曰吾悔不用蒯徹之計乃為兒女子所詐豈非

天哉遂夷信三族封樂說慎陽侯紀傳功臣表考異曰史記漢書皆

載韓信與陳豨有謀豨反信詐詔赦諸官徒奴欲發以襲呂后太子部署以定待豨報使如二史所載信

辟左右而與陳豨謀當時誰復知之時陳豨已反高帝自將往征則豨反明矣信部署已定又何待豨報

也此必告反者之祠及當時文致之罪耳詳答問陳簡能作雪韓信論及張文潛亦謂信非反近東萊作

大事記朱晦翁貽書論辨亦以信為不反後東萊竟以反書而晦翁以為失人二史所載信反謀既非事

實今皆削去不錄

太史公曰吾如淮陰淮陰人為余言韓信雖為

布衣時其志與眾異其母死貧無以葬然乃行

卷二 西漢年紀 高祖

大 良補齋藏板

營高敞地令其旁可置萬家余視其母冢良然

帝聞韓信已誅使使拜丞相蕭何為相國何傳考

大事記漢書百官表下卷通鑑皆載何以九年為相國而荀悅漢紀及漢書百官表上卷皆以為十一年

二者不同考史記蕭何世家漢書列傳皆云上已聞誅韓信使使拜丞相何為相國令卒五百人一都尉

為相國衛信誅在十一年拜何相國不應在九年也當以十一年為正大事記百官表下卷通鑑皆未免

差綠綬百官表益封五千戶令卒五百人一都尉為相

國衛諸君皆賀故秦東陵侯召讀曰平獨弔曰禍自

此始矣上暴露于外而君守于內非冒矢石之難而

益君封置衛者以今者淮陰新反於中有疑君心夫

置衛衛君非以寵君願君讓封不受悉以家私財佐

軍何從其計上說讀曰悅見何傳故韓王信復與胡騎入居

參合距漢使柴將軍柴武即陳武擊之遺信書曰陛下

寬仁諸侯雖有叛亡而復歸輒復故位號不誅也大

王所知今王以敗亡走北非有大罪急自歸信報曰

陛下擢僕起閭巷南面稱孤此僕之幸也榮陽之事

僕不能死囚于項籍此一罪也及寇攻馬邑僕不能

堅守以城降之此二罪也今反為寇將兵與將軍爭

一旦之命此三罪也夫種蠡無一罪身死亡今僕有

卷二

西漢年紀 高祖

五

退補齋藏板

三罪於陛下而欲求活此伍子胥所以償于吳也今

僕亡匿山谷間旦夕乞貸蠻夷僕之思歸如瘦人不

忘起盲者不忘視也勢不可耳遂戰柴將軍屠參合

斬信信傳帝遷雒陽詔曰代地居常山之北與匈奴邊

趙乃從南山有之遠數有敵寇難以為國願取山南

太原之地益屬代代之雲中以西為雲中郡則代受

邊寇亦少矣王相國通侯吏二千石擇可立為代王

者燕王絳相國何等三十三人皆曰子恆賢知溫良

請立以為代王都晉陽漢書本紀以陽陵侯傅寬為代相

國將屯

寬傳

丙戌封杜恬長修侯

擊諸侯攻項昌死事侯

二月乙酉

封戚繆臨轅侯

守城功

後又封靳彊汾陽侯

破鍾離昧功功

臣表詔曰欲省賦甚今獻未有程吏或多賦以為獻而

諸侯王尤多民疾之令諸侯王徹侯常以十月朝獻

及郡各以其口數率人歲六十三錢以給獻費

本詔紀

曰蓋聞王者莫高于周文伯

讀曰霸

者莫高于齊桓皆

待賢人而成名今天下賢者智能豈特古之人乎患

在人主不交故也士奚由進今吾以天之靈賢士大

夫定有天下以為一家欲其長久世世奉宗廟亡絕

卷二

西漢年紀高祖

三

退補齋藏板

也賢人已與我其平之矣而不與吾其安利之可乎

賢士大夫有肯從吾游者吾能尊顯之布告天下使

明知朕意御史大夫堯下相國

考異曰漢書紀作御史大夫昌按周昌已

于九年出為趙相不應尚以為稱也是時趙堯為御史大夫故易作堯字

按御史大夫是趙堯蓋本漢書臣瓚注然周昌于九年為趙相疑是以御史大夫

行趙相事而趙堯特以御史守御史大夫故詔書仍言昌似不必改

相國鄼侯下諸侯王御史中執法下

郡守其有意稱明德者必身勸為之駕遣詣相國府

署行義年有而弗言覺免年老癯病勿遣本組樊噲以

呂后女弟呂嬃為婦生子伉

音抗又音剛

故其比諸將最

親帝嘗病惡見人臥禁中詔戶者無得入羣臣噲乃
排闥直入大臣隨之上獨枕一宦者臥噲等見上流
涕曰始陛下與臣等起豐沛定天下何其壯也今天
下已定又何憊也且陛下病甚大臣震恐不見臣等
計事顧獨與一宦者絕乎且陛下獨不見趙高之事
乎帝笑而起噲本傳漢興佞幸寵臣則有籍孺此人非

有才能但以婉媚貴幸與上臥起公卿皆以關說佞幸

傳序考異曰籍孺事見佞幸傳序
不得其時今附于枕宦者臥之後先是上欲廢太

子大臣多諫爭未得堅決也吕后恐不知所爲人或

卷二 西漢年紀 高祖

三

退補齋藏板

謂吕后曰留侯善畫計策上信用之吕后乃使建成

侯吕釋之按史記功表六年封吕澤周吕侯釋之建

成侯而良世家書易太子事乃作建成侯
吕澤漢書張良傳亦作劫張良曰君常爲上謀臣今

上日欲易太子君安得高枕而臥乎良曰始上數在

困急之中幸用臣策今天下安定以愛欲易太子骨

肉之間雖臣等百餘人何益吕釋之彊要曰爲我畫

計良曰此難以口舌爭也顧上有不能致者四人回

人年老矣皆以上嬖侮士故逃匿山中義不爲漢臣

然上高此四人今公誠能無愛金玉璧帛令太子爲

書卑辭安車因使辯士固請宜來來以為客時從入

朝令上見之則一助也于是吕后令吕釋之使人奉

太子書卑辭厚禮迎此四人四人至客建成侯所張良

傳世家考異曰四皓來不得其時今附于英布未反之前秋七月己丑封翟豎

况于守燕後封昭涉掉徒甲尾平州侯擊臧荼

淮南王英布反本紀汝陰侯滕公以問其客故楚令

尹薛公薛公曰是固當反滕公曰上裂地而封之疏

爵而貴之南面而立萬乘之主其反何也薛公曰往

殺韓信今殺彭越考異曰史記作往年殺彭越前年殺韓信漢書作前年殺彭越往年

卷二 西漢年紀 高祖 三

殺韓信按信死乃在越前荀氏漢紀移韓信于前固

得之矣但作往年今年則猶未善也信越之死同是

紀而去年字 三人皆同功一體之人自疑禍及身

故反耳于是上赦天下死罪以下皆令從軍徵諸侯

兵自將以擊布數語見紀羣臣居守皆送至霸上張良病

彊起至曲郵見上曰臣宜從病甚楚人剽疾願上慎

毋與楚爭鋒因說上令太子為將軍監關中兵上謂

子房雖病彊臥傅太子是時叔孫通為太傅張良行

少傅事良世家發上郡北地隴西車騎巴蜀材官及中

尉卒三萬人為皇太子衛軍霸上本紀布之初反謂其

退補齋藏板

將曰上老矣厭兵必不能使諸將諸將獨患淮陰彭

越今已死餘不足畏故遂反東擊荆考異曰漢書布傳云故遂反果

如薛公揣之東擊荆按布起兵取荆敗楚遂與上遇

何嘗歸重于越身歸長沙如薛公所謂下計乎果如

薛公揣之此言非事實今削去不取荆王賈與戰弗勝走富陵為布軍

所殺盡劫其兵度淮擊楚楚相冷耳堅守彭城距布

功臣表上數使使問相國何為曰為上在軍拊循勉百

姓悉所有佐軍如陳豨時客說蕭何曰君滅族不久

矣夫君位為相國功第一不可復加然君初入關本

得百姓心十餘年矣皆附君尚復孳孳得民和上所

卷二

西漢年紀

高祖

三

退補齋藏板

為數問君畏君傾動關中今君胡不多買田地賤買

賞上得反以自汗上心必安于是何從其計上乃大悅

何世家

十二年冬十月上與布兵遇于蘄西遂戰破布軍布

走江南布傳參上令別將追之本紀上還過沛置酒

沛宮悉召故人父老子弟佐酒發沛中兒得百二十

人教之歌酒酣胡甘反上擊筑自歌曰大風起兮雲飛

揚威加海內兮歸故鄉安得猛士兮守四方令兒皆

和胡和反習之上乃起舞愜口朗反慨傷懷樂飲十餘日

乃去沛父兄皆頓首曰沛幸得復豐未得唯陛下哀

矜上曰豐者吾所生長極不忘耳吾特以其為雍齒

故反我為魏沛父兄固請乃并復豐比沛漢別將擊

布軍洮水南北皆大破之本紀布故與番君婚以故長

沙王臣使人給布偽與亡誘走越布信而隨之番陽

番陽人殺布茲鄉民田舍封賁赫為期思侯諸將率

多以功封者布傳單右車為中牟侯黃極忠郎音侯周

聚博陽侯靈常陽羨侯冷耳下相侯王虞人高陵侯

功臣表賜淮南相朱建號平原君家徙長安建傳

卷二

西漢年紀 高祖

五

退補齋藏板

太史公曰英布者其先豈春秋所見楚滅英六

皐陶之後哉身被刑法何其拔興之暴也項氏

所坑殺人以千萬數而布嘗為首虐功冠諸侯

用此得王亦不免于身為世大僂禍之興自愛

姬殖妒媚音生患竟以滅國

周勃悉定代郡鴈門雲中地斬陳豨于當城本紀

史記盧縮傳云漢使樊噲擊斬豨按漢書高紀書周

勃定代斬陳豨于當城故呂氏大事記合而言之以

為周勃樊噲定代郡按傳寬傳云寬擊陳豨屬太尉

還排闥之諫噲已在長安矣故封將軍馮谿為穀陽

漢書止書周勃為是今從漢書

侯郎中許猜嚴侯太原尉奚意成陽侯功臣表省太尉

官年表荆王賈無後上患吳會稽輕悍無壯王填之諸

子少溲傳辛丑史記表立沛侯溲音被為吳王王三都五十

三城已拜上召謂溲曰汝狀有反相因拊其背曰漢

後五十年東南有亂豈汝邪然天下同姓一家汝慎

毋反溲頓首曰不敢紀傳又封溲弟廣為德侯皆兄喜

子也表十一月上過魯申公以弟子從師浮邱伯入

見於南宮申公傳上以太牢祠孔子本紀自是諸侯卿相

至常先謁然後從政孔子世家

卷二 西漢年紀 高祖 三

退補齋藏板

太史公曰詩有之高山仰止景行行止雖不能

及然至然心鄉往之余讀孔氏書想見其為人適魯

十山觀仲尼廟堂車服禮器諸生以時習禮其家余

母只低回畱之不能去云

帝罷布軍歸民道遮行上書言相國蕭何彊賤買民

田宅數千人上至長安蕭何謁上笑曰今相國乃利

民民所上書皆以與何曰君自謝民何世家傳上歸及宴

置酒太子侍四人從年皆八十有餘鬚眉皓白衣冠

甚偉上怪問曰何為者四人前對各言名姓曰東園

公角里先生綺里季夏黃公上乃大驚曰吾求公數
歲公避逃我今公何自從吾兒游乎四人皆曰陛下
輕士善罵臣等義不受辱故恐而亡匿竊聞太子爲
人仁孝恭敬愛士天下莫不延頸欲爲太子死者故
臣等來耳上曰煩公幸卒調護太子四人爲壽已畢
趨去上目送之召戚夫人指示四人曰我欲易之彼

四人輔之羽翼已成難動矣呂后眞而主矣戚夫人
泣上曰爲我楚舞吾爲若楚歌歌曰鴻鵠高飛一舉

千里羽翮已就橫絕四海橫絕四海當可奈何雖有

卷二

西漢年紀 高祖

三

退補齊
藏板

緡繳尙安所施歌數闋戚夫人獻歔流涕上起去罷

酒竟不易太子者畱侯本招此四人之力也良傳世家通傳

十二月癸卯封李必爲戚侯功臣表以擊韓王信功侯詔曰秦皇

帝楚隱王魏安釐王齊愍王趙悼襄王皆絕亡後其

與秦始皇帝守家二十家楚魏齊各十家趙及魏公

子亡忌各五家令視其冢復亡與他事本紀

班固曰自古受命及中興之君必興滅繼絕修

廢舉逸然後天下歸仁四方之政行焉傳稱武

王克殷追存賢聖至于不及下車世代雖殊其

揆一也高帝撥亂誅暴庶事草創日不暇給然
猶修祀六國求聘四皓過魏則寵無忌之墓適
趙則封樂毅之後及其行賞而授位也爵以功
爲先後官用能爲次序

春二月使樊噲將兵擊綰詔曰燕王綰與吾有故愛
之如子聞與陳豨有謀吾以爲亡有故使人迎綰綰
稱病不來謀反明矣燕吏民非有罪也賜其吏六百
石以上爵各一級與綰居去來歸者舍之加爵亦一
級詔諸侯王議可立爲燕王者長沙王臣等請立子

卷二

西漢年紀

高祖

三

退補齋藏板

建爲燕王

本紀

以上軍侯宣義爲燕相

表

是月癸感守

心

荀紀

三月丙寅封酈疥爲高梁侯疥食其子也以父

死事侯

史記使表

詔曰吾立爲天子帝有天下十二年于

今矣與天下之豪士賢大夫共定天下同安輯

與集同

之其有功者上致之王次爲列侯下乃食邑而重臣
之親或爲列侯皆令自置吏得賦斂女子公主爲列
侯食邑者皆佩之印賜大第室吏二千石徙之長安
受小第室入蜀漢定三秦者皆世世復吾于天下賢
士功臣可謂亡負矣其有不義背天子擅起兵者與

天下其伐誅之布告天下使知朕意本紀漢興序二等

高祖弟子同姓為王者九國唯獨長沙異姓而功臣

侯者百餘人自鴈門太原以東至遼陽為燕代國常

山以南太行左轉度河濟阿甄以東薄海為齊趙國

自陳以西南至九疑東帶江淮穀泗薄會稽為梁楚

吳淮南長沙國漢表云自鴈門以東盡遼陽為燕代

為齊趙穀泗以往奄有甌蒙為梁楚東帶江湖薄會

稽為荆吳北界淮瀕略廬衡為淮南波漢之陽巨九

疑為長沙皆外接于胡越而內地北距山以東盡諸侯地

大者或五六郡連城數十置百官宮觀僭于天子漢

獨有三河東郡潁川南陽自江陵以西至蜀北自雲

中至隴西與內史凡十五郡而公主列侯頗食邑其

中何者天下初定骨肉同姓少故廣疆庶孽以鎮撫

四海用承衛天子也漢定百年之間親屬益疎諸侯

或驕奢怙邪臣計謀為淫亂大者叛逆小者不軌于

法以危其命殞身亡國天子觀于上古然後加惠使

諸侯得推恩分子弟國邑故齊分為七徐廣曰城陽

濟北濟南菑川膠西膠東趙分為六徐廣曰河間廣川梁分為五

是分為七徐廣曰濟陰濟淮南分為三徐廣曰廬及天子支庶

川濟東山陽也

卷二

西漢年紀 高祖

天

退補齋藏板

子爲王王子支庶爲侯百有餘焉吳楚時前後諸侯或以適削地是以燕代無北邊郡吳淮南長沙無南邊郡齊趙梁楚支郡名山陂海咸納于漢諸侯稍微大國不過十餘城小侯不過數十里上足以奉貢職下足以供養祭祀以藩輔京師而漢郡八九十形錯諸侯閒犬牙相臨秉其阨塞地利疆本幹弱枝葉之勢也尊卑明而萬物各得其所矣史記諸侯年表序樊噲旣行人有短惡噲者陳平世家云黨於呂氏卽上一日宮車晏駕則噲欲以兵盡誅滅戚氏趙王如意之屬帝聞

卷二

西漢年紀 高祖

三

退補齋藏板

之大怒噲傳曰噲見吾病乃冀我死也用陳平謀而召

周勃受詔牀下曰陳平亟馳傳載勃代噲將平至軍

中卽斬噲頭平世家夏四月詔陳平灌嬰將十萬屯滎

陽本紀甲辰帝崩于長樂宮黃圖云高帝居長樂宮自惠帝至平帝皆居未央宮

而長樂宮太后常居之呂后與審食其謀曰諸將故與帝爲編

戶民北面爲臣心常怏怏今乃事少主非盡族是天

下不安以故不發喪人或聞之以語酈商酈商見審

食其曰聞帝已崩四日不發喪欲誅諸將誠如此天

下危矣考異曰通鑑考異云呂后雖暴戾安敢一旦盡誅大臣此說恐妄因刪去不取余按韓彭

漢之梟將呂后斃之如斃狐兔曾不勞指顧之力況
以下諸將乎意當時必有此謀不可不載今從漢書
本紀陳平灌嬰將十萬守滎陽樊噲周勃將二十萬定

燕代比聞帝崩諸將皆誅必連兵還鄉以攻關中大

臣內畔諸將外反亡可躋足待也審食其入言之乃

以丁未發喪大赦天下本紀盧綰與數千人居塞下候

伺幸上疾愈自入謝聞帝崩遂亡入匈奴匈奴以為

東胡盧王縮傳漢封擊綰者陳倉為紀信侯張平鹵侯

時又封王莨為景侯毛釋之張侯革朱煮棗侯朱濩

偽陵侯皆以從軍擊諸侯功封漢自東克項羽訖十

卷二

西漢年紀 高祖

三

退補齋藏板

二年侯者百四十有三人功臣表五月丙寅葬長陵崩自

至葬凡二己下皇太子尊臣皆反至太上皇廟羣臣

曰帝起細微撥亂世反之正平定天下為漢太祖功最

高上尊號曰高皇帝紀考異曰史通謂賈逵撰左氏義稱在秦者為劉氏乃漢室

所宜推先但取悅當時殊無足採今不書

太史公曰夏之政忠忠之敝小人以野故殷人

承之以敬敬之敝小人以鬼故周人承之以文

文之敝小人以僂故救僂莫若以忠三王之道

若循環終而復始周秦之間可謂文敝矣秦政

不改反酷刑法豈不繆乎故漢興承敝易變使
人不倦得天統矣朝以十月車服黃屋左纛

卷一

西漢年紀

高祖

三

退補齋
藏板

08054



